



THEOT The Song of Azariah (found in the Book of Daniel) in EMMML 6977

Ff. 79r — 84v

For the books of the Daniel cycle, the following people were involved in creating first, second, and third drafts of transcriptions: Hiwot Samuel, Ashlee Maslik, Jonah Sanford, Steve Delamarter, Qidist, Dejene, and Sarah Vulcan. Draft 4,

Transkribus; Draft 5, Steve Delamarter; Draft 6: Demeke Berhane; Draft 7: Delamarter and Berhane; Draft 8, Ralph Lee

Nota Bene: Images may be viewed at vHMML at <https://w3id.org/vhmmml/readingRoom/view/200602> (starting at image 83)

DanBDan 03:024 ወአንሶሳዉ ማእከለ እሳት ወአእኩቱ እግዚአብሔር ወይባርኩዎ ለእግዚአብሔር

DanBDan 03:025 ወቆመ አዛርያ ወጸለየ ከመዝ ወከሠተ አፋሁ በማእከለ እሳት

DanBDan 03:026 ወይቤ ይትባረክ እግዚአብሔር አምላክ አበዊነ ወእኩት ወሰቡሕ ስምክ ለዓለም

DanBDan 03:027a እስመ ጻድቅ አንተ በኩሉ ዘአምጻእክ ላዕሌነ ወእሙን ኩሉ ግብርክ

DanBDan 03:027b ወርቱዕ ኩሉ ፍኖትክ ወጽድቅ ኩሉ ኩነኔክ

DanBDan 03:028a ወገበርክ ፍትሐ ወርትዕ በኩሉ ዘገበርክ ለነ ወዲበ ሀገረ አበዊነ ኢየሩሳሌም ቅድስት

DanBDan 03:028b እስመ ኩነኔ ርትዕ ወአምጻእክ ዘንተ በኩሉ ኩነኔ ኩሉ

DanBDan 03:029 እስመ አበሰነ ወጌገይነ ዘኅደግናክ ወወመፅነ በኩሉ

DanBDan 03:030 ወኢሰማዕነ ትእዛዘክ ወኢዐቀብነ ወኢገበርነ በከመ አዘዝክ ከመ ይኩን ሠናይ ላዕሌነ

DanBDan 03:031 ወኩሉ ዘአምጻእክ ላዕሌነ ወኩሉ ዘገበርክ ዲቤነ በኩነኔ ጽድቅክ ረሰይክ

DanBDan 03:032 ወመጠውክነ ውስተ እደ ፀርነ ኅጥእን ወዐላዊያን ወንጉሥ ዐማፂ ወእኩይ እምኩሉ ምድር

DanBDan 03:033 ወይእዜኔ አኮ መጠንነ ኅፍረተ ወኅሳረ ለአግብርቲክ ዘኮነነ ወለእለ ይፈርሁክ

DanBDan 03:034 ወኢትመጥወነ ለግመራ በእንተ ስምክ ወኢትሚጥ ኪዳነነ

DanBDan 03:035a ወኢታርሕቅ ምሕረተክ እምነነ በእንተ አብረህም ፍቁርክ

DanBDan 03:035b ወበእንተ ይስሐቅ ቍልዔክ ወእስራኤል ቅዱስክ

DanBDan 03:036a እለ ተናገርኩሙ ወትቤሎሙ ከመ ታብዝኅ ዘርእሙ ከመ ኮከበ ሰማይ

DanBDan 03:036b ወከመ ኅጻ ዘውስተ ጽንፈ ባሕር

DanBDan 03:037 እስመ ውሑዳን እምኩሉ አሕዛብ ወኮነ ኅሱራነ በኩሉ ምድር ዮም በእንተ ኅጢአትነ

DanBDan 03:038a ወአልቦ በዝ መዋዕል መልእክ ወነቢየ ወንጉሥ

DanBDan 03:038b ወኢቍርባነ ወኢመሥዋዕተ ወኢኅበ ያጸንሕሑ ወኢዕጣነ

DanBDan 03:038c ወኢብሔረ ኅበ ይፈርዩ በቅድሜክ ወይርከቡ ሣህለክ

DanBDan 03:039 ዳእሙ በነፍስ የዋህ ወበመንፈስ ትሑት ተወከፈነ

DanBDan 03:040a ከመ መሥዋዕተ ሐራጊት ወአልህምት ወአእላፍ አባግዕ ሥቡሕ

DanBDan 03:040b ከማሁ ይኩን መሥዋዕትነ በቅድሜክ ዮም

DanBDan 03:040c ወይትፈጸም በድኅሬክ። እስመ ኢተኃፈሩ እለ ተወከሉ ብክ

DanBDan 03:041 ወይእዜኔ ንተልወክ ወንፈርህክ ወነጎሥሥ ገጸክ

DanBDan 03:042 ወኢታሰተኃፍረነ ዳእሙ ግበር ምስሌነ በከመ ተመይሶትክ ወበከመ ብዙኅ ምሕረትክ



- DanBDan 03:043 አድነነ በሰብሐቲክ ወሀብ አኩቲተ ለስምክ እግዚአ
- DanBDan 03:044a ወይትኃፈሩ ኩሎሙ እለ ያሐሥሙ ለአግብርቲክ
- DanBDan 03:044b ወይነሰሩ በኩሎ ትእግልቶሙ ወይትቀጥቀጥ ኅይሎሙ
- DanBDan 03:045 ወያእምሩ ከመ አንተ እግዚአ_ብሔር አምላክ ባሕቲትክ ወስቡሕ በኩሎ ዓለም
- DanBDan 03:046a ወኢነደጉ አስተዋድዮቶሙ ወዓሊ ኅበ ንጉሥ
- DanBDan 03:046b ወውስተ እሳቱ ትይ ወፓሳ ወስጢጲዮን ወቅሌሜጢዳ
- DanBDan 03:047 ወተለዓለ ነበልባል እምእቶን አርብዓ ወትስዕ በእመት
- DanBDan 03:048 ወያንሶስው ወያውዒ ዘረከቦ ኅበ እቶኖሙ ለፋርስ
- DanBDan 03:049a ወወረደ መልአክ እግዚአ_ብሔር ምስለ እለ አዛርያ
- DanBDan 03:049b ወስተ እቶን ወዘበጦ ለነበልባለ እሳት እም+ እቶን
- DanBDan 03:050a ወረሰዮ ለማእከለ እቶን ከመ ነፋስ ቈሪር
- DanBDan 03:050b ወኢለከፎሙ ወኢበምንትኒ ወኢሠሐጦሙ ወኢያጽሀቆሙ
- DanBDan 03:051a ወሶቤሃ እሙንቱ ሠለስቲሆሙ ኅበረ በአሐዱ አፍ
- DanBDan 03:051b ሰብሐ ወአእኩቱ ወባረኩ ለእግዚአ_ብሔር በውስተ እቶን ወይቤሉ
- DanBDan 03:052a ይትባረክ እግዚአ_ብሔር አምላክ አበዊነ ስቡሕኒ ውእቱ ወልዑልኒ ውእቱ ለዓለም
- DanBDan 03:052b ወይትባረክ ስመ ስብሐቲሁ ቅዱስ {ወ}ስቡሕኒ ውእቱ ወልዑልኒ ውእቱ በኩሎ ዓለም
- DanBDan 03:053 ቡሩክ አንተ በጽርሐ ቅድሳተ ስብሐቲክ {ወ}ስቡሕኒ አንተ ወእኩትኒ አንተ ለዓለም
- DanBDan 03:054a ወቡሩክ አንተ ዘትሬኢ ቀለያተ ነቢረክ ላዕለ ኪሩቤል
- DanBDan 03:054b {ወ}ስቡሕኒ አንተ ወልዑልኒ አንተ ለዓለም
- DanBDan 03:055 ቡሩክ አንተ በዲበ መንበረ መንግሥቲክ ወስቡሕኒ አንተ ወቡሩክኒ አንተ ለዓለም
- DanBDan 03:056 ቡሩክ አንተ በመልዕልተ ሰማያት ወስቡሕኒ አንተ ወክቡርኒ አንተ ለዓለም
- DanBDan 03:057 ይባርክዎ ኩሎ ግብረ እግዚአ ለእግዚአ_ብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:058 ይባርክዎ ሰማያት ለእግዚአ_ብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:059 ይባርክዎ መላእክተ እግዚአ ለእግዚአ_ብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:060 ይባርክዎ ኩሎ ማያት ዘመልዕልተ ሰማያት ለእግዚአ_ብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:061 ይባርክዎ ኩሎ ኅይለ እግዚአ ለእግዚአ_ብሔር ወስቡሕኒ ውእቱ ወልዑልኒ ውእቱ ለዓለም
- DanBDan 03:062 ይባርክዎ ፀሐይ ወወርኅ ለእግዚአ_ብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:063 ይባርክዎ ከዋክብተ ሰማይ ለእግዚአ_ብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:064 ይባርክዎ ኩሎ ጠል ወዝናም ለእግዚአ_ብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:065 ይባርክዎ ኩሎ መንፈስ ለእግዚአ_ብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:066 ይባርክዎ እሳት ወላህብ ለእግዚአ_ብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:067 ይባርክዎ መዐልት ወሌሊት ለእግዚአ_ብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:068 ይባርክዎ ጠል ወአውል ለእግዚአ_ብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:069 ይባርክዎ ቍር ወአስሐቲያ ለእግዚአ_ብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:070 ይባርክዎ በርህ ወጽልመት ለእግዚአ_ብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:071 ይባርክዎ ደደክ ወመርቄ ለእግዚአ_ብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:072 ይባርክዎ በረድ ወጊሜ ለእግዚአ_ብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:073 ይባርክዎ መብረቅ ወደመና ለእግዚአ_ብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:074 ትባርኮ ምድር ለእግዚአ_ብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:075 ይባርክዎ አድባር ወአውግር ለእግዚአ_ብሔር ስቡሕኒ ውእቱ ወልዑልኒ ውእቱ ለዓለም



DanBDan 03:076 ይባርክዎ ኩሉ ዘይበቀኑል ውስተ ምድር ለእግዚአብሔር ስቡሕኒ ውእቱ ወልዑልኒ ውእቱ ለዓለም

DanBDan 03:077 ይባርክዎ ቀለያት ለእግዚአብሔር ስቡሕኒ ውእቱ ወልዑልኒ ውእቱ ለዓለም

DanBDan 03:078 ይባርክዎ ባሕር ወአፍላግ ለእግዚአብሔር ስቡሕኒ ውእቱ ወልዑልኒ ውእቱ ለዓለም

DanBDan 03:079 ይባርክዎ ዐንብ{ } (ሪ) ወኩሉ ዘይትጎወሥ ውስተ ማይ ለእግዚአብሔር ስቡሕኒ ውእቱ ወልዑልኒ ውእቱ ለዓለም

DanBDan 03:080 ይባርክዎ አዕዋፈ ሰማይ ለእግዚአብሔር ስቡሕኒ ውእቱ ወልዑልኒ ውእቱ ለዓለም

DanBDan 03:081 ይባርክዎ ኩሉ አራዊት ወእንስሳ ለእግዚአብሔር ስቡሕኒ ውእቱ ወልዑልኒ ውእቱ ለዓለም

DanBDan 03:082 ይባርክዎ ደቂቀ እንላ እመ ሕያው ለእግዚአብሔር ስቡሕኒ ውእቱ ወልዑልኒ ውእቱ ለዓለም

DanBDan 03:083 ይባርክዎ እስራኤል ለእግዚአብሔር ስቡሕኒ ውእቱ ወልዑልኒ ውእቱ ለዓለም

DanBDan 03:084 ይባርክዎ ካህናተ እግዚእ ለእግዚአብሔር ስቡሕኒ ውእቱ ወልዑልኒ ውእቱ ለዓለም

DanBDan 03:085 ይባርክዎ አግብርተ እግዚእ ለእግዚአብሔር ስቡሕኒ ውእቱ ወልዑልኒ ውእቱ ለዓለም

DanBDan 03:086 ይባርክዎ መንፈስ ወነፍስ ዳድቃን ለእግዚአብሔር ስቡሕኒ ውእቱ ወልዑልኒ ውእቱ ለዓለም

DanBDan 03:087 ይባርክዎ ዳድቃን ወትሑታነ ልብ ለእግዚአብሔር ስቡሕኒ ውእቱ ወልዑልኒ ውእቱ ለዓለም

DanBDan 03:088a ይባርክዎ አናንያ ወአዛርያ ወሚሳኤል ለእግዚአብሔር ስቡሕኒ ውእቱ ወልዑልኒ ውእቱ ለዓለም

DanBDan 03:088b እስመ አድጎነነ እም+ እደ ሲኦል ወእምት ባለሐነ

DanBDan 03:088c ወእምእቶነ እሳት ዘይነድድ አንገፈነ ወአውፀአነ እማእከለ ነበልባል

DanBDan 03:089 ግነዩ ለእግዚአብሔር እስመ ኄር እስመ ለዓለም ምሕረቱ

DanBDan 03:090a ባርክዎ ለእግዚአብሔር ኩልክሙ እለ ትፈርህዎ ለአምላክ አማልክት ሰብሕዎ

DanBDan 03:090b ወግነዩ ሎቱ እስመ ለኩሉ ዓለም ምሕረቱ